

егемен Ақжастай

Отбасының ұйытқысы – ұлттық ұлғі

«Жақсының аты өлмейді» дейді Бұкар жырау. Сол жақсы қайдан шығады? Киелі отбасынан, иесі бар, дәстүр жүйесі бар, ұлы әкесіне қарап, қызы шешесіне қарап өскен, елжұрты іргелі, ұлkenі ұлғі, кішісінің кісілігі бар жұрттан шығады. Ондай жұрт ұл мен қызын, «Ұлкеннің алдында иіліп сөйле, кішінің алдында сызылып сөйле, иіліп сөйлегеннен белің бүгілмейді, сызылып сөйлегеннен сөзің үзілмейді» (Бөлтірік шешен) деп тәрбиелеген. Мұның бәрі бабалар өсиеті еді. Қазақ отбасы деген сөзді – бұрынғы дөңгеленген қараша үйіндегі дөңгелек ошақтың отынан алып отыр. Отын жағып, отбасын ұстай алмаған ер мен әйелді от та жақтырмайтын көрінеді. Шамданса сөніп қалады еken. Жер-Ана, От-Ана деуі де содан болса керек. Отын жағып, отбасын ұстай алмағанды тезге салып тексеріп, бері тартқанда кері кетсе, жазасын беріп, телі мен тентектің қатарында қалыпқа салған. Мұхтар Әуезовтің «Отан – отбасынан басталады» деуі де содан болса керек.



Иә, қазір заман өзгерді дейміз. Өзгерген заман ба, адам ба – заманың жаманы жоқ, адам өзі өзгеріп, соны бір белгісіз ұғымға тели салатын секілді. Бүгінгі отбасы туралы әңгіме көп. Әркім әр қырынан келеді. Біреуден біреу көреді, өзіне жолатпайды. Баласы тәртіпсіз болса, қызы ұрыншақ болса, көргенсіз деп, себебіне көз жеткізбей тұрып көршісіне жаба салады. Ашық-шашық қоғамға келіп кірдік. Жат қылықтың кесірін кімнен, нeden көрерімізді білмей далмыз. Кейбір отбасыларындағы ойран жаға ұстатауды. Қүйіп-жанып үй болғандардың үштен бірі жылға жетпей жаққан отын өшіріп, ажырасып жатыр. Соңғы кезде ажырасу артып, некеге тұру саны кеміген. Бұл ертең ұлтқа жұт болып жүрмесін. Жетім бала, жесір әйел көбейіп, еркегі «бойдақ» атанып безіп кететінді шығарды. Шырылдаған күнәсіз сәбілер қоқыстан табылатын болды. Бұған бой үйреніп кетті ме, селт ете қоймаймыз. Безбүйрек ана, тасжүрек ана дейтініміз және бар. Безбүйрекке, тасжүрекке неге ана деген ардақты сөзді қосамыз? Осындай әрекетке ол пендер қалай барды, кім апарды дегенді қағыс қалдырамыз. Олардың ауыз бармайтын қылышын жирене айтып жар саламыз. Безбүйрек, тасжүректі ізdegенде, неге безбүйрек, тасжүрек «әкені» қоса іздемейміз? Екеуін қатар қойып жазаға тартсақ, бейкүнә сәби азаяр еді. Қорші елдерде безбүйрек әкелердің сілекейін шұбыртып тастанды баланың әкесі екенін анықтап, қанша жерден мөңкіс де бұғақтап, мойнына күнәсін іліп, күнәшар екеніне көзін жеткізп жатады. Бізде оның аз-кем елесі бар. Бірақ терендең баруға ұят қысатындей. Ұят қысатыны бар, олар қылмысқа аяқ басарда қалай болар екен дегенді алдын ала неге ойламаған? Сөзіміз жалаң болмасын, дерекке жүгінелік. Еліміздегі жалғыз басты аналар саны 40 мыңдан асады екен. 700 мыңға жуық бала анасымен бірге күн кешсе, әке тәрбиесіндегі ұл мен қыз 300 мыңдан асқан. 31 мыңдан аса бала туған-туысқандарын жағаласа, оның 6 мыңға ғана тұл жетім көрінеді. Ал 350 мыңдан аса бала заң бойынша төленуі тиіс алименттен айырылған. Қашқын әкелердің қарызы 2 млрд теңгеге жуықтапты. Алда айттық, ажырасу деңгейі де өспесе, кемімей отыр екен. Бұл ұлттық отбасының қожырауынан ба, әке мен ана тәрбиесінің кемдігінен бе, бала психологиясын ойлаудың аздығынан ба, әлде жанбақпақ парыздан ба, әлде дүние қуудың кеселінен бе – сұрақ көп, жауап сан тарау. Иә, жары мен баласынан жалт беріп, оларды шұбыртып кеткен ерек, ұл-қызын еріне итеріп тастап зытқан әйел қашан кемір екен? Бір топ баласын жетелеп үйсіз-күйсіз, бір үзім нанға зар болып жүргендер де жоқ емес. Олар осындай күйге қалай түсті демей, себебін білмей, нарық талабын, заң тармағын алға тарратындар жеріміз кен, байлық жетеді, халқымыз аз, ал бардан үлес алар бұлар да ұлт ұрпағы десе қайтер еді? Әшейінде қазақтың кеңдігін, дарқандығын мақтан етеміз? Бірақ сол дарқандық кембағалға жете бермейді. Ең сорақсы әкеге, анаға қол көтеретін имансыздар да табылып жатыр. Кейде балалар үйі азайғанын айтамыз, есесіне қарттар үйі бел алып бара жатқанын ескермейміз. Оны жасап жатқандар қатығез ұл мен қайырымсыз келін десек, қателесе қоймаспай. Оларға да бір замандары кәрілік келмей қоймас. Атам қазақ «Атаңа не қылсан, алдыңа сол келеді», деуші еді ғой. Бұл да отбасы құндылығының құлдырап бара жатқанын көрсетпей ме? Діннің жат ағымында жүргендер қаншама? Осындай ұлтқа қауіпті іске неге жұрт болып жұмылып қарсы тұрмаймыз? Жоғарыдағы кейбір деректердің өзі соған жетіп жатыр емес пе? Жүзден емес, мыңдағанға қарай бет алуы қазір серпілтпесе, ертең есе бермей кетіп жүрмесін. Мүмкін отбасының отанасы, ұл мен қызды тоғыз ай, тоғыз күн көтеріп өмірге әкелетін, былайғы аналардың әлеуметтік жағдайын оңалту керек болар. Ұлы Мұқан, Мұхтар Әуезов «... адамды хайуандықтан адамшылыққа кіргізген – әйел. Адам баласының адамшылық жолындағы таппак тарақияты (тағылымы) әйел халіне жалғасады. Сол себепті – әйел басындағы сасық тұман айықпай халыққа

адамшылықтың бақытты күні құліп қарамайды. Ал, қазақ, мешел болып қалам демесен, тағылымынды, бесігінді түзе! Оны түзейім десен, әйелдің халін түзе!» деп еді ғой. Осыны бұлжытпай, сөзге ерік бере бермей орындау керек болар. Біз кейде бұл ұлы ойдың негізгі желісін айтпай «бесігінді түзе» дегенді жалаулататынымыз бар. Тіпті халықтық қағида дейтіндер де табылып жатады. Ақиқатында ананың жағдайы түзелмесе, ұрпақтың түзелуі қиын. Егер ана мұңсыз болса, ұлттық демография да демікпейді. Көрі құрлықтағыдан карттар да көбеймейді. Жас мемлекеттің жасын ұрпағы жарқылдан өсе береді. Бұл арада да өзгелер тықпалайтын әйел құқығы, біздің ерден неміз кем деу де алдымызды орап. Қазақтың қаны, жаны бары оған төзбесі белгілі. Дүние теңселіп тұрғанда ұлт тек ұлгісіне қарай ұйысу керек. Ұйыспаған, еліктегіш көрсекіздар ұлт қатты толқынға шыдас бермейді. Оны әлемдегі ірігендерден көріп отырмыз. Жойылған ұлттар зауалды сондай қылышынан тапқан. Жаттан бақыт табамын деп, сор қапқан. Санасын да, қол-аяғын да сол еліктеу мен солықтау шапқан. Осында жетесіздікті жоюдың бір жолы – ұлттық ар мен намысты, отаншылдық рухты еш нәрсеге теңгермей біккे көтере білуде жатыр. Елбасы Нұрсұлтан Назарбаевтың рухани жаңғыру жөніндегі ұлы идеясының алтын арқауы осы. Қазақ отбасының тірегі әке мен шеше деп білген. Әке – қорған, ана отбасының жылуы деп ұққан. Бізге ұлан-асыр жер, ұшан теңіз байлық қалдырған бабаларымыз оқымаған. Бірақ көңілдері кен, ой-санасы кен, пердесіз таза болған. Сол ұлттық сана, болаттай берік дәстүр қазакты бүгінгі күнге жеткізген. Елбасы ұлттық болмысты ұққанға әдемі айтып отыр. Әрине ол дәуір бөлек, бұл заман басқа екені рас. Тек өткеннің озығын алып, оны әлемнің жақсысымен жалғастырсақ, ұлттық бейне қалыбында сақталады. Ал Абай айтқандай, жетесіз заманға қүйлеп, ол ой-санамызды билесе, өзгенің жаман-жәутігіне жабыстырып, теліп қоюы да ғажап емес. Салт-санасын, ұлттық ұлгісін жоғалтқан жүрт жойылмай қоймайды. Ал оны сақтаған халық мәңгі жасары даусыз. Сонымен дәстүрлі қазақ отбасының жақсылығымен қоса, әттегенайы да аз болмай тұр. Отбасы ұлгісінде оқшаулануға болмайды. Кең дүниемен байланыс орнатуымыз керек. Тек ала-құла тірлігіне желімдей жабыспай, қажеттісін алып, қажетсізін ойымызға да, бойымызға да дарытпасақ ұтылmas едік. Ұтылмаудың тағы бір жолы – еліктеу мен солықтаудан арылу. Бұған еркін заманды желеу етудің еш қажеті жоқ. Ұлгі көрсететін алдыңғы толқын әжелер мен аталар, әкелер мен шешелер болуы тиіс. Олар еліктеудің жетегінде кетіп, ері мен әйелі киім киоі, жүріс-тұрысы жағынан ұлттық ұлғіден ажыраса, онда кейінгі жасқа өкпелеудің орны бола қояр ма екен? Бұл ойларды қозғауға не себеп болды дегенге келсек, өткен айдың соңына қарай «Ауыл» партиясы отбасы құндылықтарына арналған дөңгелек үстел өткізіп, Елбасының «Болашаққа бағдар: рухани жаңғыру» атты мақаласындағы келелі ойды әңгіме арқауына айналдырған еді. Алқалы отырысқа қатысқандар арғы-бергі тарихты шолып, кіндігінен ажырап қалған жүрттың мінез-құлқы өзгеретінін, сол өзгеру отбасынан басталатынын тілге тиек етіп, оның беріктігін қайтсек орнықтырамыз деді. Әлемдік деп бәріне жүгірмейік, тозығын жолатпайық, әлсіреп қалған қоғамдық бақылауды жандандырайық, әлеуметтік психологияға мән берейік, ата мен әже, әке мен шеше, келін мен бала өз орнын білсін десті. Ояныайық, ойланайық, ұлтты сақтайтын ұрпақ. Ұрпақ тағдыры бүгінгі толқынның қолында, әр адам оған жауапты, білім-білік, оқу-тоқу, дәулет-сәулет баршылық, тек отбасын оңалтуға мықты тірлік, ұғатындарға, жақсыларға бұл да ілік деп, сөз түйініне отбасының үйиткысы ұлттық ұлгі, сол ұлттық ұлгі сақталмаған жерде ер мен әйелдің «бәсекесі» өршіп, тұтас отбасының бүлінуіне әкелмей қоймайды, кешірімді болайық дегенді қадап айтып жатты. Сол арада Мұхтар Әуезовтің әрбір ұлт оқығанына айтқан мына бір жетелі сөзі ойға оралып еді. «Енді бұдан кейінгі қазақ жүрттының

күзетшісі осы оқыған азамат. Бұдан былай қазақ жарға жығылса обалы, жақсылыққа жетсе мақтаны – оқыған азаматта». Осыған қарағанда отбасын оңалту тізгін ұстағандардың үлгі-өнегесіне, сөзі мен ісі үйлескен, бүкіл адамзатты бауырым дегенде, неге өз халқыма ұл, қызы болмаймын, барын молайтып, жоғын табамын, кемін толтырамын, жетімін жыллатпаймын, бабалар жолы, даналар жолы маган да жат емес деген азаматтардың тәуекеліне тәуелді екен. Жалпы халық қашан ұя бұзып еді? Теріс іске қинағанмен, оң іске иланған дарқан пейілін айтсаңшы! Соны ұққан жанның абыройы артық, беделі берік.

Сұлеймен Мәмет